

## CONCILIVM PROVIN. COLONIEN.

Habenda concio per Visitatores. Cap. VIII.

**N**ec videbitur inutile, vt Vicarius noster in pōtificialibus, seu alius ex Visitatorib<sup>9</sup> nostris Theologus, cōcionem ad populū habeat, eundēq; de oībus de quibus vtile videbit<sup>r</sup>, ex diuinis scripturis per dei verbū admoneat.

Interrogandus parochus, quo titulo ministeriū gerat. Cap. IX.

**I**nterrogandus deinde parochus, num ipse principalis rector sit, aut vicarius mercenarius, an ordinaria auctoritate admissus, nec ne, Vbi vicarius præest parochiæ, videndum quo priuilegio absit parochus principalis.

De vita, moribus & doctrina inquirendus. Cap. X.

**D**einde inuestigandum de vita, moribus ac de doctrina, quo pacto verbum diuinū disseminet, ac sacramenta ecclesiastica administret, Et num omnia calleat quæ ad officium suum spectant. Vbi vero minus fuerit instructus, erudiatur maxime in his quæ ad dispensationem ecclesiasticorum sacramentorum attinent, præsertim pœnitentiæ. Subinde inquireatur, num in his deses aut negligens interdum sit, Et num illi necessarius & honestus victus suppetat, seu digna stipendia exoluantur. Nam si competens victus defecerit, ad eum modū (vti supra diximus) procurādus erit, aut ad nos referendū.

De habitu, tonsura ac reliquis externis videndum. Cap. XI.

**V**idendum deinde de eruditione, habitu, tonsura, ac familiari conuersatione, honestas familiæ exploranda, libri quoque omnes inspiciendi, qui si nothi aut suspecti erunt, auferendi ac tollendi sunt.

Num hæresis quæ piā serpat, diligenter inuestigandū. Ca. XII.

**I**nsuper inuestigandum erit diligentissime, num in tota parochia vltus hæreticus aut schismaticus delitescat, num hæresis aliqua serpar, atq; hic apponenda securis ad radicem, vt seducti per verbum dei in viam veritatis & ecclesiæ vnitatem reducantur. Qui contumaces fuerint, e cœtu cæterorum tollantur.

Num agantur alia, quæ cum dei & ecclesiæ institutis pugnent, dispiciendum. Cap. XIII.

**P**reterea, nū in parochia superstitiones, sortilegia, diuinationes, atq; alia id generis, quibus mētes a deo viuo p diaboli fraudes seducunt, exercent, nū periuria, blasphemia, adulteria, & similia crimina, ob q̄ iratus deus in nos gladiū iræ suæ vibrat, publice cōmittant, num ecclesiasticæ censuræ contemnant, num sint qui parochō obedire floccifaciant, qui sacramēta ecclesiæ non participant, Item, num festi dies & ieiunia ecclesiastica rite obseruentur.

De pue